

**Pak Lah ketua penerima pingat hari Wilayah
Malaysiakini.com
Feb 1, 2010**

Bekas Perdana Menteri Tun Abdullah Ahmad Badawi mendahului senarai 240 penerima darjah kebesaran, bintang dan pingat Wilayah Persekutuan 2010 sempena sambutan Hari Wilayah Persekutuan di Istana Negara hari ini.

Abdullah dianugerah darjah kebesaran Seri Utama Mahkota Wilayah (SUMW) yang membawa gelaran "Datuk Seri Utama" daripada Pemangku Yang di-Pertuan Agong Tuanku Abdul Halim Mu'adzam Shah.

Bekas Menteri Perdagangan Dalam Negeri dan Hal Ehwal Pengguna Datuk Shahrir Abdul Samad yang juga Anggota Parlimen Johor Baharu turut dianugerahi SUMW.

Datuk Bandar Kuala Lumpur Datuk Ahmad Fuad Ismail pula antara tujuh penerima darjah kebesaran Seri Mahkota Wilayah (SMW) yang membawa gelaran "Datuk Seri".

Turut menerima SMW ialah dua hakim Mahkamah Persekutuan Datuk Gopal Sri Ram dan Datuk James Foong Cheng Yuen, Ketua Setiausaha Perbendaharaan Tan Sri Dr Wan Abdul Aziz Wan Abdullah, Naib Pengerusi Eksekutif Yayasan Al-Bukhary Datuk Ismail Yusof, penasihat media kepada perdana menteri Datuk Jalaludin Bahaudin dan pengerusi Pusat Dagangan Dunia Putra Datuk Alies Anor Abdul yang juga bekas setiausaha politik kepada Datuk Seri Najib Razak semasa menjawat jawatan menteri pertahanan.

- *Bernama*

Copyright © 1999-2007 Mkini Dotcom Sdn. Bhd.

Source : <http://www.malaysiakini.com/news/123392>